

Yr
190

25 July 1900

Yr 190



Gebiet
Breslau - Lützow

82814 G86

In Ehrenvesten Rath dieser Kayserlichen Stadt Breslaw/
lesset hiermit männiglich/ so sich allhie auffenthelt/vermelden/ demnach Gott der
Allmechtige/ auß seinem gerechten Zorn/ mit allerhand Landesstraffen/ Insonderheit auch mit
der anfalligen Seuche der Pestilentz/ nicht allein viel benachbarte Gertzer vnd Städte seit hero ang-
griffen vnd heimgesuchet/ son-
dern nunmehr auch bey dieser Stadt/ hin vnd wieder anklopffet/ daß sich ein jeder mit wahrer rechtschaffener Busse zu Ihm/
dem zwar Erzörneten/ doch gleichwol auch gnedigen vnd Barmhertzigen Gott wenden/ dabenebenst ein still/ mässig/ nüchtern
leben führen/ alle Seitenspiel/ Tänze/ vnd üppigkeiten bey Verlöbnuissen/ Hochzeiten/ Gastereyen vnd sonst ein-
stellen/ v-
brig ein vnd außgelauffte in seinem Hause abschaffen/ alle vn-
sauberkeit in vnd außser den Häusern meiden vnd weg-
reumen/ hie-
gegen sich mit Reuchwerck vnd andern bey den hiesigen Alpothecken angeordneten *Praservativen* in zeiten ver-
wahren/ vnd also
dem anglummenden Feuer vorzubawen vnd abzuwehren/ nehest Göttlichen Gnadenschutzes/ an allen Mensch: vnd möglichen
Mitteln nichts erwinden noch ermangeln lassen sol.

Es will vnd gebeut auch wolgedachter Rath den jenigen Personen/ so schon albereit *inficiret*/ oder durch Gottes verhengnuß
noch ferner *inficiret* werden möchten/ hiermit ernstlich/ daß sich dieselbe/ wie auch alle andere/ so in *inficirten* häusern befindlich
vnd anzutreffen/ entweder an die ort/ so ihnen angewiesen werden sollen/ vorsuegen/ oder sich gantzer fünf Wochen lang da-
heimb innen halten/ vnd gar nicht außgehen/ viel weniger vnter das andere Volck kommen sollen. So sol auch sonst nie-
mandt zu ihnen/ außser den verordneten ärzten/ in das Haus eingelassen werden/ Sondern ihre Nocturfft an Speiß/ Trancck
vnd andern/ sol ihnen durch Personen/ welche bey dem gemeinen Almosen dazu bestellet/ doch auff ihre eigene darlage vnd vn-
kosten/ eingekauft/ vnd biß an die Hausthür zugebracht werden. Würde sich aber jemandt dieser verordnung nicht verhal-
ten/ sondern zu zeitlich auß vnd vnter das Volck laufen/ oder andern leuten das eingelauffte zu sich verstaten/ anff solchen fall/
sollen mit gentslicher zuschlagung vnd sperrung der Häuser/ vnd sonst gehörige schärffere mittel ergrieffen vnd vor die hande
genommen werden. Die Vendi oder verkauffung der alten Kleyder Betten/ oder andern Gerethes/ wie auch das offentliche
oder heimliche hausieren vnd umbragen/ wirdt hiermit gantzlich verboten vnd abgeschafft. So sollen auch die offentliche Bad-
stuben/ wie auch das Gastsetzen bey den Kretschmern/ in gleichem in den Wein: Bier: vnd Brantwein Häusern/ So wol auch das
umblauffen der Bettler/ Kinder/ vnd alter Leute/ bey ernstlicher vnnachbleiblicher Straff/ auff eine zeitlang/ cassiret vnd auff-
gehoben sein.

Darnach sich männiglich zurichten vnd vor Unglück Straff vnd Schaden zu hütten wissen wirdt.

